

Opće informacije

Opšte informacije o OHR-u

Ured visokog predstavnika (OHR) je *ad hoc* međunarodna institucija odgovorna za nadgledanje implementacije civilnih aspekata Mirovnog sporazuma kojim je okončan rat u Bosni i Hercegovini. Funkcija visokog predstavnika je uspostavljena u skladu sa Općim okvirnim sporazumom za mir u Bosni i Hercegovini, koji se obično naziva Daytonski mirovni sporazum, dogovorenim u Daytonu, država Ohio, i potpisanim u Parizu 14. decembra 1995. godine. Visoki predstavnik sarađuje sa građanima i institucijama Bosne i Hercegovine, te međunarodnom zajednicom kako bi osigurali da se Bosna i Hercegovina razvije u mirnu i održivu demokratsku zemlju, na putu ka integracijama u evroatlantske institucije.

OHR radi u pravcu momenta kad Bosna i Hercegovina bude u mogućnosti da preuzme potpunu odgovornost za svoje poslove. Upravni odbor Vijeća za provedbu mira, međunarodnog tijela koje usmjerava mirovni proces, zaključio je na sastanku u julu 2011. godine da se „nada bliskoj saradnji i koordinaciji između pojačanog prisustva EU, visokog predstavnika u BiH i drugih predstavnika međunarodne zajednice, u skladu sa njihovim postojećim ulogama“.

Kako bi pružila podršku Bosni i Hercegovini, Evropska unija je pojačala svoju posvećenost toj zemlji.


Status, osoblje i financiranje OHR-a

Prema Aneksu 10 Općeg okvirnog sporazuma za mir, OHR ima status diplomatske misije u Bosni i Hercegovini. U OHR-u rade diplomate koje šalju vlade zemalja članica PIC-a, međunarodno osoblje koje OHR direktno angažira, te domaće osoblje iz Bosne i Hercegovine. Od jula 2025. godine, u OHR-u radi 21 stranih državljana, od kojih su 17 diplomate koje su postavile vlade njihovih zemalja, i 80.5 članova domaćeg osoblja.

Od septembra 2002. godine sva objavljena upražnjena radna mjesta u OHR-u su otvorena za bh. građane. Pored toga, u slučajevima kada bh. i strani državljanin, koji se prijavljuju za isto radno mjesto, imaju jednake kvalifikacije i iskustvo, prednost ima kandidat iz Bosne i Hercegovine.

Sredstva za financiranje OHR-a dodjeljuje Vijeće za provedbu mira, a budžet OHR-a za 2025/2026. godinu iznosi 5.857.618 eura.

Organigram:



Kontaktirajte nas

OHR SARAJEVO Emerika Bluma 1 71 000 Sarajevo Tel: 387 33 283 500 Fax: 387 33 283 501 srd@ohr.int	OHR BANJA LUKA Jovana Dučića 25 78 000 Banja Luka Tel: 387 51 330 200 Fax: 387 51 330 213	OHR BRATUNAC Svetog Save bb 75 420 Bratunac Tel: 387 56 411 093, 411 094 Fax: 387 56 411 098
---	--	---